



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 25. De Prælatione Barrabæ.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

MEDITATIO NVM. 283

4. Religiosum virum nequaquam abiecti & simplicis habitus sui pudere debet. Christus enim nostra causa ne fatui quidem habitum recusavit.

5. Quoties aut plurium aut meliorum vestium, quā status noster exigit, cupiditate tenemur: toties pauperi & humili Iesu illudimus.

6. Quanquam non explevit votum Herodis Christus, quippe quod nulli bono esset, alia tamen parte beneficium contulit, quod non petebat: dum cum Pilato illum restituit in gratiam. Sic si quando concedat Dominus quod petimus, nunquam tamen non dat illius loco aliud melius, & aptius saluti nostræ.

7. Non satis fuit Herodi spreuisse Christum, sed remittit etiam indutum veste alba & ridicula, ut eum alijs similiter deridendum præberet. Id nos imitamur, quoties non contenti in animo iudicare de proximo, sed verbis etiam ad audientes præferimus, ut & apud illos existimationis iacturam faciat.



MEDITATIO XXV.
BARRABAS CHRISTO

PRÆFERTVR.

PVNCTA MEDITATIONIS.

I. Christo reducto, dicit Pilatus; nec se, *Mat. 27*
nec Herodem inuenire causam mor- *Mar. 15.*
tis: itaque vult eum flagellare. *Luc. 23.*
Ioan. 18.

II. Quo-

II. *Quoniam moris erat, ut in Paschate, vnus ex reis dimitteretur, proposuit eis Barrabam seditiosum & homicidam.*

III. *Sacerdotibus persuadentibus, populus Barrabam Christo praefert, clamans: Crucifige eum.*

F I G V R A.

Leui. 14 **L**EPROSVS, à lepra curatus duos offererebat passeris Sacerdoti, quorum alter offerebatur in sacrificio pro eius emundatione, alter demittebatur liber.

P R O P H E T I Æ.

Psal. 117 **L**APIDEM quem reprobauerunt adificantes, hic factus est in caput anguli.
Id est, Christus, quem lapis ille designabat, cum à Iudæis coram Pilato esset reprobat, factus est caput duorum populorum: Iudæorum & Gentilium, &c.

Psal. 22 *Ego autem sum vermis, & non homo; opprobrium hominum & abiectio plebis.*

Hier. 14. *Et eligent magis mortem quam vitam omnes qui residui fuerunt de cognatione hac pessima.*

DOCV-

DOCUMENTA.

1. **S**I quando bene agentes in mala sumus
 Sexistimatione, peiusque de nobis homi-
 nes, quam de ijs, qui nobis longè ne-
 quiores sunt, iudicant; adhibenda est pa-
 tientia: cum Christus Barraba scelestior ha-
 bitus sit.

2. Barrabam præponimus Christo, cum no-
 stra iudicia aut voluntates superioris sensui
 & voluntati præferimus. Item cum virtuti vi-
 tium, spiritui carnem, honorem mundi hono-
 ri Christi, seculum religioni præponimus.

3. Cum lente in aliquas imperfectiones
 trahimur, vel ne hominibus iniucundi simus,
 vel ut nobis iucundi, similes Pilato sumus, qui
 ne quid Iudæos offenderet, sed eos in gratia
 conseruaret, dimisit Barrabam, & tradidit
 Christum.

4. Nos qui profiteamur sequi nos Christum,
 caritatem eius æmulari debemus, ut vitam,
 cum res aut salus proximi flagitat, lubentes
 profundamus. Quemadmodum Christus, ut
 Barrabam humani generis imaginem libera-
 ret, ipse se condemnandum tradidit.

5. Quam sæpe fit, ut diuina inspiratio intus
 loquatur & suadeat, ut liberemus Christum, si-
 ue peccato aliquo omittendo, siue occasione
 tollenda: at nos vel operis difficultate, vel ne-
 gligentia vincendi nos ipsos respondemus:
 Viuat Barrabas, & crucifigatur Christus.

6. Non debet nos paupertatis, viliam offi-
 ciorum, existimationis apud homines exigua
 pudere, neque enim pudit Dominum no-
 strum Barraba non modo comparari, verum
 etiam posthaberi.

MEDI-